



18. september 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit:**

- 1. Danmarkimi tunisassiat nutaat soorlu juicet saftillu puukui utertinneqarsinnaasunut ilaalersimapput. Nunatsinni inuussutissarsiortunut inuinnarnullu qanoq kinguneqarumaarnersoq Naalakkersuisut nalilersinnaavaat?**
- 2. Danskite malittarisassai nutaat ajortumik malitseqarnissaat pinaveersaartinniarlugu Naalakkersuisut sunik iliuuseqarsimappat?**
- 3. Kalaallit niuvertut aqqissuussamit ilaannginnissaat anguniarlugu Naalakkersuisut danskite naalagaaffianut isumaqatigiissuteqarniarlutik attaveqarsimappat?**
- 4. Danskite malittarisassanik allannguinerat malillugu Naalakkersuisut siumoortumik sulissutiginiarnerlugu poortuutissanut nalunaarutip allanngortinneqarnissaa taamaasilluni imeruusaatit kulsyremik akullit puujaasaaqqanut utertittakkanut assigiinngitsunut maqillugit tuniniarneqarsinnaanngorlugit?**
- 5. Immiaaqqat aalakoornartortaqaanngitsut eqqunneqarsinnaaleqqullugit nioqqutaalersinnaaqqullugillu immiaaqqat imeruusaatillu puui pillugit nalunaarummi ilaajunnaarseqqullugit UKA 2019-mi siunnersuutiga (UKA2019/58) Inatsisartuni akuerineqarpoq. Naalakkersuisut tassunga suliaat sumut killippa?**
- 6. Naalakkersuisut allanik suliamut soqutiginaatilinnik paasissutissiisinnaanerlutik?**  
(Inatsisartunut ilaasortaq Justus Hansen, Demokraatit)

**Tungavilersuut**

Julip allaaqqaataaniilli 2019-imi utertitsisarnermut malittarisassat Danmarkimi juice-nut saftinullu aamma atuutilersimavoq. Allannguutit arriittunnguamik atuutinneqaleriartussapput novembarilli aallaqqaataani 2019-imi tamakkiisumik atuutilersinneqassallutik. Danskite malittarisassai nutaat aamma nunatsinni inuussutissarsiortunut inuinnarnullu malitseqassasut nalilerpara, inuussutissarsiortummi tuniniaasarmata inuinnaallu pisisarlutik.

Malittarisassat nutaat imatut paasivakka tassa nunatsinnut nassiunneqartartut juicet saftillu puukui utertinneqarsinnaasunut ilaalissasut. Qaavatigut aningaasartuut atugassanik pisiniarfinit akilerneqaaqqaassaaq naggataatigulli akiligassaq atuisunut ingerlaqqissalluni pisiat akitsorneratigut.



DEMOKRAATIT  
DEMOKRATERNE

Unammilligassaq uaniilerpoq immiaaqqat imeruersaatillu puui pillugit nalunaarut peqqutingalugu puukunik tiguisussaqaanngimmat. Taamaalilluni puukut uterninneqarsinnaassanngillat nalingalu utertinneqarsinnaanani Danmarkimut puukut utertingikkaanni. Tamanna akisussaqaq paasiuminaallunilu.

Danmarkip nutaanik malittarisassaqaalernerat peqqutaalluni nunatsinnilu puukunik utertitsisarnerup iluani qangarnisanik malittarisassaqaaratta – oqaaserisama pingaarnersaa uaniilerpoq, pisiassat nuannarinearluartut atuisunut akisuvallaalernissaat ernumassutigigakku.

Qilanaarpunga Naalakkersuisut sammisamut naliliinerat tusarnissaa.

Kissaatigaara apeqqutima ullut sulliviit naliginnaasut qulit iluanni akineqarnissaat.